

## Yenisisi

## Gumi 1

1-5 Koretero oorengo Anutundo sambo mera damoni yeyingo. Mera ngu ataga kencotetoku ngandiro kini. Kingo oorengo oruyingo ngu guradiro oorengo. Ngundo sono urunggaku dobengootoni nguwoore Anuturo yukadogo nguwoore baworo oruwo. Anutundo eyingo. Himi tunooteni eyingo. Etoni himi tunooteyingo Anutundo himi yeni gome tunootetoni kenoro ene suwo sa wesowoyeroyingo. Himinggaku ngu eyingo. Sa naru eyingo. Ooreri ngu suwo eyingo. Suwo oororo kinitetoni sengeyingo. Ngundo ngu naru guranangge kinitewo. Kootuyisina Anutundo eyingo. Songoo songoo yoyeyingo ngu sono erayaga ngu gide gide oruwari, eyingo. Etoni ngu tunooteyingo. Anutundo sonono pawangga teyingomu ngundo ngu sono awuno yero ko amuno pawayeroroote. Ngu keworoko pawangga ngu owooyi sambo eyingo. Suwo oororo kinitetoni sengeyingo. Ngundo ngu naru eraya kinitewo. Kootuyisina Anutundo eyingo. Sono sambo newendemo oorooteku ngu uya musiyo guranangemo yoruwoni. Yoruwootonga mera ariyeni eyingo.

Etoni ngundiro tunooteyingo. Ngu mera aringga ngu Anutundo eyingo. Sono musiyu gurananggemo yoruwooyingo ngu wendeyi eyingo. Anutundo enengombo oo yewoku ngu bidodo kenootoni ngu metemi tewo. Tetoni ene oni oni teyingo.

11-12 Kootuyisina Anutundo eyingo. Mera enengombo ngu mete oo soodida, so, de, oo nggiringgara enggeweroyimu nguya ooreni eyingo. Etoni ngu oo ngu tunooteyingo. Ngu oororo kinitetoni sengeyingo. Sengetoni ngu naru kabusa kiniteyingo.

14-19 Kootuyisina Anutundo eyingo. Soru oo sambono tunooteya ngundo suwononguya sa naru nguya himi yeni eyingo. Kombo naru mooma dagoma naru nguya tunootewa. Dagomaro naru gura gura nguya tunooteni, eyingo. Anutundo kombo himi ogisa himi yetoni tunooteyingo. Urunggaku ngu ogisa ngundo sa naru yeni himi yewa. Bodagayi ngu kombo ngundo suwono mera himi yeni. Ero tunooteyingo. Suwo oororo kinitetoni sengeyingo. Sengetoni ngu naru namoraya kinitewo.

20-23 Kootuyisina Anutundo eyingo. Oo gura gura sonono yeningga keta yuwooyidodo orini eyingo. Nu tunooteya ngu samboriri ururumeya yariyi eyingo. Etoni ngu oo ngu tunooteyingo. Anutundo kumana yunoro eyingo. Oo wendeyino oo urungga nga bidodo

kowooteya wendeyi ngu nangge teni eyingo. Nu oo nguya merani merani ngano kowooteni eyingo. Suwo oororo kinitetoni ko sengeyingo. Sengetoni ngu naru kandegura sengeyingo. Sengetoni ngu naru namoraya kinitewo.

20-23 Kootuyisina Anutundo eyingo. Oo gura gura sonono yeningga keta yuwooyidodo orini eyingo. Nu tunooteya ngu samboriri ururumeya yariyi eyingo. Etoni ngu oo ngu tunooteyingo. Anutundo kumana yunoro eyingo. Oo wendeyino oo urungga nga bidodo kowooteya wendeyi ngu nangge teni eyingo. Nu oo nguya merani merani ngano kowooteni eyingo. Suwo oororo kinitetoni ko sengeyingo. Sengetoni ngu naru kandegura kinitewo.

24-25 Kootuyisina Anutundo eyingo. Kare nusako ururu bobodidodo tunooteni, eyingo. Etoni ngu tunooteyingo. Ngundo yuwooyidodo oriyi, eyingo. Nondo nu, nusako ururu bobodi, endemo, deguno, nguro oowari yunooteno. Ngundiro etoni ngu oo ngu tunooteyingo.

## Gumi 2

Kootuyisina Anutundo mera yoro ngundo oni yeyingo. Yero yuka uwootoni omuyiwoore utoni keta ootookeyingo. Oni oowooyi Adamu. Ogisa

ooretokusina, Anutundo ko urungga yero merangga ngu oowooyi Ideni ngu Anuturo yoyo pawa. Kono sono gura ombuyingo. Ngu kono nguno Anutundo Adamu nguno yeyingo. Sono dobuyi ngundo mera urumi inoweroyimboro. Ngu kono nguno Anutundo de guradiro guradiro nguno yeni tunooteyingo. Ngu de ngu gomemu ko engge nguya gome gome enggete. Ngu kongga ngu keworoko nguno ngu de digateku nero ngu oni ma kumowa. Nero sugi oruwa. Ene ko de gurangu kono nguno oorootekungu nero oo metemi ingoweroyi, oo biyomi ingoweroyi ooroote.

Arisa, Anutundo Adamu ngu yoro enenga pawano nguno yeyingo. Ngundo ngu nguno ko teya oo sobowoni eyingo. Anutundo ngu Adamuya ngandiro ewo. Ge mete nga kono de tanggori oorootekungu newa, eyingo. Ene ge nga dega oo biyomi metemidodo ingoweroyi ngangga nga ma newero, eyingo. Roogo oorengo ewo. Ene ge nero ngu ge kumowa. Anutundo mera yoro ngundo nusako oo ngu yoyeyingo. Yoyero bidodo yoyoro Adamuno oorowuyingo. Oorowutoni Adamundo oo nusakoku bidodo oowooye yunooteyingo. Anutundo eyingo. Adamu enesu nangge oruweroyi. Ngu biyomi. Kootuyisina bareyi yewano. Ngu bareyingga ngu oororo yoruworo oruwari.

Arisa, Anutu ene Adamu yeni wereyingo. Wetoro kabetero oruyingo. Ene wetorootoni Anutundo tanggeyi wembuyi yoyingo. Yoro musiyonggaku ngu songgiwibo ukinggoyingo. Anutundo ngu simoo wimbuyi yowoku ngundo barega yeyingo. Yero yoro Adamuno oorowuyingo. Oorowutoni Adamundo eyingo. Ngu nenenggo dooboone oorengo eyingo. Gengo wembuge no wembune gidebo yeni tunootewokuro, oowoongge bare eyingo. Ngu muringa ngu tunooyingo. Ngundi nguro oni awa namoye yoyokoro baredoya guranangge kendiro oorootenggo. Simoonggaku nguaya ko baregaku nguaya mondeyari wiriyooeroyi oo kini, mbirimbi oruworiyo, ene ma oyimo yoyingo. Anutundo oo bidodo yemukoro yokoro kenootoni gome tetoni nguro ene oni oni teyingo. Anutundo ngu yemukoro naru kandegura gidembo guranangge

ooriyingo. Anutundo naru kandegura gidembo guranangge ngano ko bidodo yemukoyingo. Naru kandegura gidembo erayaga ngano ene kingo oruwo, ngu naruno. Anutundo ngu naru kandegura gidembo erayangga ngu kundingiyi inoro teyingo.

### Gumi 3

1-7 Anutundo oo nusako bidodo yoyeyingo. Sirembo oo nusako, oni towooyeroyingo. Sirendo bare sumoo inoyingo. Anutundo ndadiro ewo? Anutundo yari de tanggori nga bidodo ma newero bine? eyingo. Baredo manggowo doworo ero, etc.

Noore mete nga kono de tanggori nga newaro. Ene de gura ko keworo oorengomo oorooteku ngu nangge noorendo ma newaro. Kuri Anutundo ngundiro ero. Yari de tanggori keworokongga ngu nero kingo doworo kumowari. Sirendo eyingo. Yari ngu de tanggoringga ngu nero ngu oo biyomi metemidodo ingowari. Yari Anutu kendiro oruwari. Anutundo ngungga ngu ingoro nguro siribo ye yunoyingo, ngu eyingo.

Arisa, bare ngu ingoro degaku kenoyingo. Kenootoni ngu gome tete. Doonggeyi kiyingo de tanggori nguya gome neweroyi teyingo. Tetoni ingondundu yoyingo nonguya ngundiro ingoro yoro ngu metemi ero ingoote. Ngundiro nguro bare ngu de tanggorigaku yoro neyingo. Kootuyisina, de tanggori yoro kameyi inoote. Inootoni ene nguya neyingo. Nero ngu ko sodedo nangge ebe keno keno toworiku ngu ko kumba dari kini tewo. Tetoni ene ngu ko kingo mondeyari tete. Ngundiro tetoni ngu ene de gura oowooyi Pikingu kembu kendiro uyi yoro kumbayi wesibiyoro ngu yemuteri.

8-21 Suwootetoni mera imaketoni Anutu ngu kokuri ngundo endeyootoni ingowori. Ingoro de keworoko kombiteworiyo. Ene Anutundo simoonggaku negongooyingo. Yari ndano oorooteri? Meno ero ete. No ge ingootoowe kokuri endeyootoyi nguro no sosoretano. Sosorerero no kumba kini nguro kombitetano. Anutundo sumoo ete. Onendo etoni ge

kumba kini tete? Nondo de tanggoriga siribo yewonoku. Ge ngu nero bine? Adamundo ete. Barega gedo no dooboone tero nunowoku ngundo de tanggori nunootoni no kuri newono.

Arisa, Anutundo baregaku sumoo inoro ngandiro ero. Ndatero ge ngu ooga ngu tete? Baredo gumi ero ete. Sirendo no gananeroootoni ngu de tanggoriga ngu neteno. Anutundo sireya ngandiro eyingo. Ge kuri ngu ooga tewokuro nguro. Asa, kowuri yowa. Ataga nguya suwoyi sano ge komo no nomoonggebo nangge endeyoyato. No gengo sowengge

ngu yewe baredoro soweni ngudodo mudi oruwari. Tetori baredoro soweni ngundo ge tabage woongoosowowa. Woongoosowootoni gedo ene kendungoomoo kiwa. Anutundo baredoya ngandiro eyingo. No ge kowuri urungga gunowano. Ge simoo bisiyowero tetekuno ogingo ingowa. Ge kamenggeborogome ingowa. Ngundo sobogeroweroyimbororo. Anutundo Adamuya ngandiro eyingo. Ge ngundiro tetekuro. Arisa, no gengo ko tetoowe so oorewa. Ngundo oo gome ma enggewa. Gènggombo suwoyi suwoyi ko biyomi. Tetoyi merako oo oorero enggewa. Ge ko biyomi teya nosiriri gureni. Nosiriri gutoni gogo merako oowari tunootewa. Ge ko biyomi tero oode oode ge kumowa. Nondo merambo goyewonokuro ge ko merako uwa. Kootuyisina Anutundo nusako goweyi yoro towikumba tero yuyingo. Adamundo baregaku oowooyi Iwa eyingo. Iwangu simoo bare bidodoboro namoye damoni oorengo.

22-24 Kootuyisina Anutundo eyingo. Oni nguya noore kendiro oo metemimu oo biyomimu, nguya ingoote. Ariya, noore ngu oningga ngu yokootooye ngu degano ngundo suwoyi sano himi oruwari. Kini, ene ngu de tanggoriga newoku ngu nguya mete sugi oruwari. Anutundo Adamu bareyi nguya oweyeroyingo. Anutundo Ideni kononggo oweyeroyingomu ngu Adamundo merangga yomosiyowokuno oororo ko teweroyimbororo. Anutundo Adamu nguya Iwa nguya oweyeroro yokoro, Anuturo sambono oni, oowooyi



Enseri, oni yanggangomu yoyoro Ideni kono nguno yoyeyingo. Duge pirumi ngu de gidoretaku ngundiro gidorero Ideni ko bidodo wooriringoororoote.

Published 1978

Printed by the S.I.L. Printing Department  
Ukarumpa, E.H.P., Papua New Guinea

National Library of Australia  
Card Number and ISBN 0 86893 066 0